

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

1. प्रधानमंत्री नरेंद्र मोदी होर अज्ज बड्डलै 11 बजे अपने रेडियो कार्यक्रम मन की बात राहें लोकें कन्नै अपने बचार सांझे करडन।
2. राश्ट्री मेडिकल आयोग नै जम्मू-कश्मीर लेई डॉक्टरी दी 24 सुपर स्पैशिलिटी पी.जी सीटें दी मंजूरी दिती ऐ, सेहत मंत्री सकीना इतू होरें इस फैसले दा सुआगत कीता ऐ।
3. पुंछ जिले दे हाड़ि बुड्डा बोल इलाके च फौज दे सौहगे जवानें आतंकवादिं दे इक ठकाने दा पता लाइयै थेआर गोलीबारूद बरामद कीता ऐ।
4. जम्मू जिला प्रशासन नै सरकारी मलाजमें दी तनखाह कडाने गितै एनओसी जारी करने बारे नियम च ढिल्ल दिती ऐ।
5. कल्लै थमां शुरू होआ'रदिं खेलो इंडिया सयालू खेड्डें दे 6में संस्करण लेई तैयारिं गी मुकदा रूप दिता गेआ, बारामुला दे डी.सी होरें गुलमर्ग च प्रमुख थाहरें पर आइयै आपू मुआयना कीता।

PM-Man ki Baat

प्रधानमंत्री नरेन्द्र मोदी अज्जबड्डलै 11 बजे आकाशवाणी पर हर म्हीने प्रसारित होने आले कार्यक्रम मन की बात राएं लोकें कन्नै अपने विचार सांझे करगंन। ए इस महावार रेडियो कार्यक्रम दी 131मीं किश्त होग। ए कार्यक्रम आकाशवाणी ते दूरदर्शन दे समूलचे नैटवर्क AIR

समाचार, डी.डी. न्यूज, AIR समाचार दी वैबसाईट ते AIR दी मोबाईल ऐप्प पर बी प्रसारित कीता जाग। एदे कन्नो-कन्नी एह प्रधानमंत्री हुंदे दफ्तर ते सूचना ते प्रसारण मंत्रालय दे यू.ट्यूब चैनल पर बी प्रसारित कीता जाग। आकाशवाणी पर एदे हिंदी प्रसारण दे तुरत मगरा क्षेत्रीय भाषाएं च प्रसारण कीता जाग।

<><><><><><>

NMC-PG Seats

जम्मू-कश्मीर च विशेष मेडिकल शिक्षा गी बढ़ावा दिंदे होई राष्ट्री चिकित्सा आयोग नै जम्मू ते श्रीनगर दे सरकारी मेडिकल कालजें दे कन्नोकन्नी स्किम्स, सौरा श्रीनगर च 24 नमियें सुपर स्पेशलिटी पी.जी सीटें गी मंजूरी दिती ऐ। मंजूर कीती गेदी सीटां Cardiology, Urology, Pulmonary Medicine, Medical, Gastroenterdogy, Paediatric surgery, Neuro Anasthesia, Neonatal Anasthesia Clinical Immunology ते Rheumatology ज्नेह खेतरें च दिती गेदियां न। इस घोशणा दा सोआगत करदे होई सेहत ते मेडिकल शिक्षा मंत्री सकीना इतू होरें इसी इक संगेमील करार दिता। उनें आखेआ जे एह परिवर्तनकारी गें जम्मू-कश्मीर च विशेष सेहत सरबंधी बुनियादी ढांचे ते मेडिकल शिक्षा दे मौकें दे विस्तार लेई सरकार दी बचनबद्धता गी उजागर करदी ऐ।

<><><><><><>

Hide out Busted

सरहदी जिले पुंछ दे हडिबुडाबाउल इलाके च फौज आसेआ चलाए गेदे इक अभियान दरान आतंकवादिएं दे इक ठकाने थमां थेआर ते गोली-बरूद बरामद कीता गेआ ऐ। अपनी इक सोशल मीडिया पोस्ट च फौज दे व्हाइट नाइट कोर नै जानकारी दिती ऐ कि इक टकोहदी सूह दी

विनाह पर कारइवाई करदे होई कोर आसेआ इलाके च इक व्यापक तुपाई अभियान चलाया गेआ जिस दरान उत्थै आतंकवादिएं दे छप्पने आहले गुफाएं आंडर दे ठकानें दा पता लग्गै जिथुआं इक पस्तोल, 2 मैगजीनां, कपड़े, खाने-पीने आहला समेयान ते रोजमर्रा दे इस्तेमाल आहिलयां होर दुइयां चीजां बरामद कीता गेआ। एह कारवाई बन्ने कन्नै लगदे इलाकें च फौज दा वर्चस्व बनाई रखने, हर नकलोहरकत पर नेइमी तक्क रखने ते इलाके च रक्षा ते सुरक्षा गी यकीनी बनाने दे मकसद कन्नै कीती गई ऐ।

<><><><><><>

IED-Recovered

कश्मीर घाटी दे गांदरबल इलाके च सुरक्षा बलें इक आई.ई.डी विस्फोटक बरामद करियै उसी नकारा कीता ते कुसै बड्डी माड़ी घटना गी होने सवां टाली दितां जानकारी मूजब एह आई.ई.डी फोहेस्तान कलोनी कश गुलाब शेख महल्ले च सड़कें कंडे इक झोले च छपैलिये रखेआ गेदा हा। एह जगह जिले दे सफापोरा इलाके च पौंदी ऐ। आई.ई.डी दा पता लगदे गै सुरक्षाबलें सड़कें पर गड्डिएं दी आओजाई रोकी दिती। तुरत बम्ब नकारा करने आहले दस्ते गी सददेआ गेआ ते इसी नकारा करी दितां इस दरान कुसै गी कोई नुकसान नेई पुज्जा ते कोई बड्डा हादसा होने शा टली गेआ।

<><><><><><>

NSS Camp

सरकारी डिग्री कॉलेज किशतवाड़ च 7 रोजा एनएसएस सयालू कैंप दा समापन कालेज दे सभागार च इक शानदार समारोह कन्नै होआ। इस मौके पर प्रो. एन.के मन्हास होर उत्थे मौजूद हे। उनें नौजोआनें गी जिम्मेदार बनाने च एनएसएस दी भूमिका पर लोह पांटे होई स्वयंसेविएं दी सख्त मेहनत, अनुशासन ते उतसाह लेई सराहना कीती। एनएसएस प्रोग्राम अफसर प्रो. इसारूल अयूब होरें इस मौके पर बक्ख-बक्ख गतिविधियें बारे इक रिपोर्ट पेश कीती जिंदे च स्वच्छता अभियान, एन.आई.वी एड्स ते नशीले पदार्थें बारे जागरूकता अभियान बगैरा शामिल न। इस दरान स्वयंसेविएं अपने तजुर्बे बी सांझे कीते। होर मती जानकारी दिंदे होई एनएसएस प्रो. अफसर प्रो. असारूल अयूब होरें आखेआ .

<><><><><><>

NOC Power Water bills

जम्मू दे डिप्टी कमिशनर डॉ. राकेश मिन्हास होरें जम्मू जिले च सरकारी मलाजमें लेई बिजली ते पानी दे इस्तेमाल गिते अदायगी लेई लोड़चदे एन.ओ.सी सरबंधी हुकमै च अददे दुब्बे तौरा पर दऊं बदलाव कीते न जेहदे तैहत बिजली ते पानी दे इस्तेमाल दे सरबंधे च मैहकमे दे डी.डी.ओ-एं गी इख्तयार दिता गेदा ऐ ते ओह उनें मलाजमें कोला आपू लिखिए दिती गेदी तस्दीक स्पीकार करी लैन जिंदे जम्मू जिले च अपने नां पर पानी या बिजली दे कनेक्शन नेई हैन। हुकमै मुजब एह रिआयत छड़ी फरवरी ते मार्च म्हीने दी तनखाह कडाने लेई दिती गई ऐ। जिला प्रशासन नै सरबंधित सभने धड़ें गी निर्देश दिता ऐ जे ओह बदलाव कीते गेदे हुकमै दी सख्ती कन्नै पालमा करन।

<><><><><><><><>

CBC-ICOP

आँदे 5एं दिनें दे एकीकृत संचार आउटरीच कार्जक्रम दी पछोकड़े च सूचना ते प्रसारण मंत्रालय तैहत फील्ड दफ्तर उधमपुर च केंद्री संचार ब्यूरो नै मुख् कार्यक्रम लग्गने कोला पैहले भास्कर डिग्री कॉलेज उधमपुर च इक बड़्दे प्रचार कार्यक्रम दा सरिस्ता कीता। इस कार्यक्रम दा आयोजन कल्लै थमां शुरू होआ'रदी ते 27 फरवरी तगर लग्गने आहली मल्टी मीडिया प्रदर्शनी दे Curtain Raiser Event दे तौरा पर कीता गेदा हा। इस दरान कई युवा केंद्रित गतिविधियें दा आयोजन कीता गेआ जिंदे च चित्रकारी ते प्रदर्शनी प्रतियोगिता दे कन्नोकन्नी स्टार्टअप इंडिया, मिशन अरोमा ते भारत सकार दे होर दुए फ्लैगशिप प्रोग्रामें पर केंद्रित इक सेमीनार बी शामिल ऐ।

<><><><><><><><>

KIWG-Prep.

कश्मीर घाटी दे दुनिया भरै च मशहूर गुलमर्ग रिसार्ट च कल्लै थमां शुरू होआ'रदे खेलो इंडियो स्यालु खेड्डें दे 6में संस्करण दे दुए गेड़ लेई तैयारियां तकरीबन पूरी होई गेदियां न। इनें खेड्डें च मुख् भरै थमां तकरीबन 300 खडारियें दे कन्नोकन्नी सहायक अमला ते अधिकारी बी हिस्सा लै करदे न। इंतजामें दी समीक्षा करने लेई डी.सी बारामुला मिंगा शेरपा होरें गुलमर्ग च केई प्रमुख थाहें दा निरीक्षण कीता ते तैयारियें गी मुकदा रूप दिता। अपने दौरे दरान पत्रकारें कन्नै गल्लबात करदे होई डी.सी बारामुला होरें आखेआ .

तोआई, इनें खेड्डें च हिस्सा लैन जा'रदे किश खडारियें अपनी खुशी जाहिर करदे होई आखेआ .

<><><><><><>

Rafting-Katra

कटड़ा स्थित श्री माता वैश्वो देवी दी पवित्र गुफा दे आले दोआले आहले इलाके च साहसिक ते मनोरंजन सैलसफा लोकप्रियता हासल करा'रदा ऐ। कटड़ा जाने आले श्रद्धालुएं दी बदधी आमद गी दिखदे होई रियासी जिले च राफ्टिंग आप्रेटर दरेया पर राफ्टिंग ते पानी आली मनोरंजक गतिविधियें दा तजुर्बा उपलब्ध करा'रदे न। मते सारे श्रद्धालु तीर्थ यात्रा परेंत साहसि ते मनोरंजक गतिविधियें दा नंद ठोआने आस्तै अपनी यात्रा गी बधा करदे न। आपरेटरें दा आखना ऐ जे हफते दे खीरले ध्याड़े लोके आसेआ बुकिंग च बी बाददा दर्ज कीता जा'रदा ऐ। अधिकारियें मेद बुज्झी ऐ जे एहदे कन्नै नौजोआनें गी नौकरी दे मौके उपलब्ध होडन ते मकामी अर्थ बवस्था गी बी बढ़ावा थहोग। आकाशवाणी समाचार कन्नै गल्ल करदे होई किश सैलानियें अपने बचार सांझे करदे होई आखेआ .

<><><><><><>